

UCAPAN
YANG BERHORMAT PEHIN ORANG KAYA PERKERMA
LAILA DIRAJA DATO PADUKA AWANG HAJI HAZAIR
BIN HAJI ABDULLAH
MENTERI KEBUDAYAAN BELIA DAN SUKAN

sempena

PESTA SUKAN REMAJA
11 JUN 2011

**Bismillahir Rahmanir Rahim,
Wassalatu Wassalam 'Ala Assyarafil Mursalin Saidina
Muhamaddin Wa'ala Alihi Wasahbihi Ajma'in**

Yang Mulia

Awang Haji Malik bin Haji Mohammad

Pemangku Pengarah Belia dan Sukan

Selaku Pengerusi Majlis Pesta Sukan Remaja Kali Ke-5/2011

Yang Mulia

Timbalan-Timbalan Menteri

Yang Mulia

Setiausaha-Setiausaha Tetap

Pegawai-Pegawai Daerah

Ketua-Ketua Jabatan

Pegawai-Pegawai Kanan kerajaan

Perwakilan daripada pihak swasta

Yang DiPertua-Yang Dipertua/perwakilan daripada Persatuan-

Persatuan Sukan Kebangsaan

Pegawai-Pegawai Teknikal Sukan

Para ibu bapa/penjaga

Para atlit remaja yang akan bertanding

Wakil Wakil Media

Hadirin dan hadirat yang peramba/kaola/saya hormati sekalian

Assamulaikum Warrahmaturallahi Wabaraktuh

Salam Sejahtera dan Selamat Petang

Alhamdulillah, Kita bersyukur kehadiran Allah Subhanahuwata'ala kerana dengan limpah dan rahmat Nya jua kita dapat berkumpul pada petang ini bagi Majlis Perasmian Pesta Sukan Remaja Kali Ke-5/2011.

Pesta Sukan Remaja yang diadakan setiap dua tahun sekali ini adalah merupakan sebagai gelanggang pertemuan sukan golongan belia dan remaja di Negara Brunei Darussalam kearah menonjolkan kecemerlangan, kecergasan dan kemampuan fizikal dan mental mereka sebagai belia yang cekal, berwawasan dan berdaya tahan.

Pesta Sukan Remaja adalah juga merupakan sebagai platform bagi para remaja untuk mengasah dan memperlihatkan bakat serta mengadu secara terhormat kebolehan masing-masing khususnya mereka yang bercita-cita untuk menjadikan sukan sebagai bidang kerjaya dan berhasrat untuk mengharumkan nama bangsa dan Negara di arena serantau dan antarabangsa melalui sukan.

Saya sukacita merakamkan setinggi-tinggi tahniah dan syabas kepada semua atlit remaja kita yang telah sampai ke peringkat pertemuan Pesta Sukan Remaja ini. Saya percaya kejayaan ini adalah hasil daripada usaha gigih serta komitmen mereka untuk mencapai kecemerlangan dalam sukan.

Komitmen serta semangat ingin maju seperti inilah yang mesti ada pada diri remaja dan perlu ditingkatkan secara berterusan untuk menuju kecemerlangan. **Penyertaan di Pesta Sukan Remaja dapat melahirkan dan membina kekuatan azam bagi menentukan masa depan para remaja dan belia ke arah pencapaian yang lebih tinggi dan mencabar didalam kehidupan.**

Para Atlit Remaja, Hadirin dan hadirat yang dihormati sekalian,

Sukan mempunyai kedudukan yang sangat penting dan sejarah yang panjang di dalam perkembangan tamadun dan peradaban manusia. Masyarakat silam meletakkan sukan sebagai penting dalam kehidupan. Malahan daripada tamaddun Greek (776 sebelum

masehi) tercetusnya istilah sukan dunia yang berperistij tinggi yang ada sekarang iaitu **Sukan Olimpik**.

Melihat sukan daripada perspektif Islam, Islam juga menekankan akan pentingnya sukan didalam kehidupan remaja dalamana ianya menganjurkan para belia dan remaja Islam untuk terlibat didalam kegiatan sukan seperti berenang, menunggang kuda dan memanah.

Hadirin yang di hormati sekalian,

Pentingnya sukan didalam pembangunan masyarakat dan Negara adalah jelas seperti yang diungkapkan oleh peribahasa Melayu yang berbunyi "**otak dan minda yang cergas terletak dalam badan yang sihat**". Masyarakat dan bangsa yang sihat dan cergas akan menyumbang kepada pembangunan negara. **Adalah sudah terbukti bahawa negara yang penduduknya atau pun masyarakatnya yang mengutamakan sukan sebagai budaya hidup adalah negara yang maju dan cepat membangun.**

Para Atlit Remaja dan hadirin yang dihormati sekalian,

Kita juga melihat akan peranan penting yang dimainkan dan sumbangkan oleh sukan dalam pembangunan bangsa dan Negara seperti aspek aspek berikut-:

Sukan dapat membentuk sikap atau keperibadian yang positif dan jati diri dalam diri individu seperti tabah, cekal, disiplin diri, semangat berpasukan, semangat daya saing (competitiveness), bersaing secara adil (fair play) dan menerima kekalahan secara terhormat (gentleman).

Melalui sukan, dapat memupuk semangat cintakan Raja, bangsa dan Negara. Sukan juga dapat mengikat dan mengukuhkan perpaduan masyarakat dan bangsa serta menjalinkan hubungan silaturahmi yang berlandaskan sikap saling hormat menghormati dan kecemerlangan.

Dalam waktu yang sama, sukan dapat membentuk gaya hidup sihat di kalangan remaja dan masyarakat di segenap peringkat yang dapat menghindarkan diri mereka daripada “obesiti yang merupakan ibu dan punca kepada segala penyakit” dan daripada menghidap penyakit penyakit kronik yang tidak berjangkit seperti jantung koronari, darah tinggi, kencing manis, buah pinggang dan barah yang merupakan punca kematian utama di Negara Brunei Darussalam.

Melalui sukan juga akan dapat menghindarkan para belia daripada terlibat dengan rokok, dadah dan penyakit HIV/Aids.

Dibidang ekonomi, disamping dapat menyumbang kepada penambahan sumber pendapatan dan pekerjaan kepada individu, sukan juga memungkinkan kepada pertumbuhan industri dan pelancongan sukan (sports industry and tourism) di Negara Brunei Darussalam.

Selaras dengan peranan sukan dalam pembangunan Negara dan bangsa adalah diharapkan pihak penganjur dan mereka yang berkepentingan (stake holders) di dalam Pesta Sukan Remaja, untuk memberikan nilai tambah daripada perspektif pendidikan dan kebudayaan di dalam menganjurkan Pesta Sukan Remaja di masa yang akan datang. Ini akan menjadikannya berdaya tahan (sustainable) dan relevan dengan matlamat wawasan pembangunan Negara 2035.

Para Atlit, dan hadirin yang dihormati sekalian,

Adalah satu fenomena yang menggalakkan dalamana di kebelakangan ini sudah nampak berbagai program dan aktiviti sukan yang telah dijalankan samada oleh agensi-agensi kerajaan, Majlis Perundingan Mukim dan Kampung, pihak swasta dan Badan Badan Bukan Kerajaan dengan penyertaan masyarakat khususnya di kalangan belia remaja kita yang semakin meningkat.

Sehubungan dengan ini, Kementerian Kebudayaan Belia dan Sukan sedang mengumpulkan maklumat-maklumat mengenai kemudahan-kemudahan sukan dan tempat-tempat riadah di seluruh negara untuk memastikan kemudahan-kemudahan sukan dan tempat-tempat riadah mencukupi dan “accessible” kepada orang ramai dan keluarga mereka bagi mencapai matlamat “Sukan untuk Masyarakat”.

Para Atlit Remaja, hadirin yang di hormati sekalian,

Buat mengakhiri ucapan ini , saya sekali lagi mengucapkan syabas kepada atlit remaja yang akan bertanding di Pesta Sukan Remaja ini dan berharap agar mereka semua bertanding dengan semangat kesukanan yang tinggi dan penuh iltizam untuk mencapai kecemerlangan dengan sedaya upaya mencoba mengatasi rekod terbaik masing-masing. Ini adalah penting sebagai sukatan ataupun ‘benchmark’ untuk atli atlit muda terus maju ke hadapan sebagai persediaan negara di kejohanan-kejohanan serantau dan antarabangsa yang akan datang. **Selamat bertanding dan majulah sukan untuk negara!**

Dengan melafazkan kalimah 'Bismillahir Rahmannir Rahim', saya dengan amat sukacita merasmikan Pesta Sukan Remaja Kali Ke-5/2011.

Sekian, Wabillahit taufik walhidayah wassalamu'alaikum warahmatuallahi wabarakatuh.